

古泉彙考

六

古泉彙攷卷六

遼

太祖

天贊通寶

遼史食貨志曰坑冶多在國東東京置戶部司長

春州置錢帛司鼓鑄之法先代撒剌的以土產多

銅始造錢幣

續通攷太祖父撒剌的始置錢右教鼓鑄太祖其子襲而

用之遂致富強太宗置五冶太師以總四方錢鐵

冶按遼史百官志五冶未詳長春路遼西路平

州路俱有錢帛司

洪遵曰余按此錢徑九分重三銖六參文曰天贊
通寶

培按此錢自上及右讀之洪志通作之或作之
天贊元年梁龍德二年也

姜怡亭曰仁和周爾昌有天贊通寶

穆宗

應歷重寶

董道曰北虜錢文曰應歷重寶

培按此錢自上及下讀之文曰重寶據錢志寶
小平錢也應歷元年即周廣順元年

姜怡亭曰有應感通寶確係感字其銅質製作文字絕

似咸雍恐泉志誤作應歷耳培按此說未確

陳萊孝曰所見尚有通寶錢

景宗

乾亨通寶

董通曰乾亨通寶宋太平興國七年

說畧引有耶
遼主二字

律隆存鑄

培按乾亨統和太平三種泉志無之董道譜載
北地錢自此品始聖宗諱隆緒而誤作景宗
諱且訛緒為序乾亨元年為太平興國四年茲
云七年鑄不知何據

食貨志曰景宗以舊錢不足于用始鑄乾亨新錢
錢用流布

姜怡亭曰吳逸菴有乾亨通寶

洪遵引肩庭原作度誤雜記培按重熙錢下引作記陸
亦作此曰景宗朝置鑄錢院年額五百貫
作紀誤

乾亨元寶

培按此錢 西有古鑑錢錄所載自上及右讀
之以下遼錢皆係自上及右讀者

聖宗

統和元寶

食貨志曰統和出內藏錢賜南京諸軍司

董通曰統和元寶宋太平興國八年即律隆序鑄

陳萊孝鍾官圖經有統和通寶

培按此錢元寶字如開元錢背穿上仰月較遼

地錢畧大

開泰元寶

培林喬東里有此錢云厚而精。金和有此
錢拓本元字在右雖非左挑開亦不似門而四
字含隸體極古茂。泉寶錄開泰元寶元字在
右

太平元寶

食貨志曰聖宗鑿大安山取劉守光所藏錢散諸
五計司兼鑄太平錢新舊互用由是國家之錢渚

述國中

姜怡亭得太平元寶係後人改鑿者

淵鑑類函引續通考遼聖宗統和十四年鑄大安
山取劉守光所藏錢

董道曰太平元寶宋天禧五年耶律隆序鑄

何夢莘于大聖通寶太平聖寶下又列太平元寶

似亦外國錢今尚未見附記于此

倪迂存有太平元寶

元寶二字與南唐錢之左挑
似開元者不同背無郭亦不

類唐錢而制又不似外國
錢未敢遽定為遼錢也

培按遼乾亨大康各有元寶通寶二種或疑遼之
太平亦有通寶然今所見太平通寶背穿有一星
二星及上下
作一質陋劣不特非宋太宗錢亦非遼錢也
行者

興宗

重熙通寶

洪遵曰余按此錢徑九分重三銖文曰重熙通寶
興宗本紀曰重熙二十二年閏七月己亥長春州
置錢幣司

培按倪非瓶有此錢熙字有銅凸起線文制如

清寧錢重熙元年董通譜無一種。宋食貨志
慶厯間契丹亦鑄錢易並遼銅錢是遼錢有
銅錢二種

道宗

清寧通寶

洪遵曰余按此錢徑九分重三銖文曰清寧通寶

董利曰清寧通寶宋至和二年耶律隆序作洪基

鑄

培按此錢徑分重一錢一分寧寧作寧與宋

熙寧錢一種相似其時前後相距四五年耳教
堂所收一枚形稍橢已已冬見一錢清字原非
行書而筆畫微作欹斜勢

咸雍通寶

董道曰咸雍通寶宋治平二年耶律洪基鑄
培按此錢徑七分重四分泉志不載此錢

大康通寶

洪遵曰余按此錢有二品並徑九分重二銖四參
以大康通寶大康元寶為文

董道曰大康元年大康通寶宋熙寧八年即律洪
基鑄

培按此錢徑七分重八分大康元年為熙寧八
年大字遼史作太萬光泰紀元韻叙列太字下
然錢文實作大培見遼碑刻皆作大字其作太
者誤也

厲鴻遼史拾遺曰董道錢譜太康通寶作太康同
寶未知孰是

培按說郭由錢譜並不作同字樊榭所見蓋別

本傳寫誤耳

大康元寶

錢大昕養心錄曰遼道宗年號大康非太康也晁氏培按係晁公道歷年紀年以字分類當必不誤今遼刊本皆作太康無人能正之者

陳萊孝曰太康錢文均作大康

培按此誤以年號為太康故疑錢文何以翻作大也不知年號本是大耶

大安元寶

洪遵曰余按此錢徑八分重二銖三參文曰大安元寶今世多有

董道大安元寶宋神宗元豐八年洪基鑄

培按此錢徑六分強重七分元寶字如開元錢而元字不盡左挑安字有較長者又一種作安輪闊字小大安元年為元豐八年○宋食貨志元祐時鄭介使契丹還言其給與箱者錢皆中國所鑄乃增嚴三路門出之法通放蘇轍北使

還曰臣見北界別無錢幣公私交易並使本朝
銅錢是遼鑄錢少而多用宋錢也

大宋元寶

壽昌元寶

洪遵曰余按此錢徑九分重二銖四釐文曰壽昌
泉志引李季興東北諸蕃樞要曰契丹主天祐年
號壽昌或遂以壽昌屬之西遼耶律大石謂天祐
帝即大石也今按泉志于大安錢下亦引樞要語
云契丹主天祐年號大安然則大安豈亦大石錢
耶蓋天祐即道宗也應查遼史道宗末年有天祐
皇帝之尊號否

培按昌字下應有元寶二字壽昌元年為紹興

二年此錢徑七分壽字作壽元寶字如開元錢
之面文闊者好作八角菱花文

董道曰壽昌元寶遼道宗壽昌年號鑄

培按董譜既知為遼錢而列于五代僭偽錢內
何也

食貨志曰道宗之世錢有四等曰咸雍曰大康曰
大安曰壽隆大安錢至今尚有而志以為肉好銖
數無所次修史者疎漏如此

遼史拾遺曰道宗年號壽隆衆志云壽昌正閏考